

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 173. sjednici, održanoj dana 22.09.2022. godine, d o n o s i

ODLUKU
o raspodjeli prehrambenih proizvoda i proizvoda
za higijenu socijalno ugroženim kategorijama stanovništva
sa područja Zeničko-dobojskog kantona

Član 1.
(Predmet)

Odobrava se raspodjela 2.600 paketa prehrambenih proizvoda i proizvoda za higijenu osiguranih od strane Kantonalne direkcije robnih rezervi Zeničko-dobojskog kantona za korisnike stalne novčane pomoći i pomoći u naturi sa područja Zeničko-dobojskog kantona i korisnike JU „Penzionerski dom sa stacionarom“ Zeničko-dobojskog kantona, JU „Dom za stara lica“, JU „Centar za djecu i odrasle osobe s posebnim potrebama“ Zeničko-dobojskog kantona i JU „Dom porodica“ Zenica, a sve u skladu sa Informacijom o donaciji robnih rezervi u prehrambenim proizvodima i proizvodima za higijenu broj: 17/01-25-3105-1/22 od 15.08.2022. godine.

Član 2.
(Raspodjela paketa)

(1) Zadužuje se Kantonalna direkcija robnih rezervi da u saradnji sa svim centrima za socijalni rad sa područja Zeničko-dobojskog kantona i općinskim službama za socijalnu zaštitu Doboj Jug i Usora i Javnim ustanovama iz člana 1. Odluke izvrši raspodjelu 2.600 paketa prehrambenih proizvoda i proizvoda za higijenu, na sljedeći način:

- a) JU CSR Breza, 32 paketa za korisnike stalne novčane pomoći i 187 paketa za korisnike pomoći u naturi;
- b) JU CSR Maglaj, 60 paketa za korisnike stalne novčane pomoći i 199 paketa za korisnike pomoći u naturi;
- c) Općinska služba za socijalnu zaštitu Doboj Jug, 23 paketa za korisnike stalne novčane pomoći;
- d) JU CSR Kakanj, 172 paketa za korisnike stalne novčane pomoći;
- e) JU CSR Olovo, 21 paket za korisnike stalne novčane pomoći;
- f) JU CSR Tešanj, 84 paketa za korisnike stalne novčane pomoći;
- g) Općinska služba za socijalnu zaštitu Usora, 50 paketa za korisnike stalne novčane pomoći;
- h) JU CSR Vareš, 31 paket za korisnike stalne novčane pomoći i 51 paket za korisnike pomoći u naturi;
- i) JU CSR Visoko, 99 paketa za korisnike stalne novčane pomoći i 139 paketa za korisnike pomoći u naturi;
- j) JU CSR Zavidovići, 156 paketa za korisnike stalne novčane pomoći;
- k) JU CSR Zenica, 525 paketa za korisnike stalne novčane pomoći;
- l) JU CSR Žepče, 88 paketa za korisnike stalne novčane pomoći.
- m) JU „Penzionerski dom sa stacionarom“ Zeničko-dobojskog kantona, 203 paketa, od čega 160 za korisnike smještene u Ustanovi, a 43 paketa za korisnike programa Projekta Mobilna kućna njega za raseljena lica smještena u zgradama Radakovo i Crkvice;
- n) JU „Dom za stara lica“, 160 paketa za korisnike smještene u Ustanovi;

- o) JU „Centar za djecu i odrasle osobe s posebnim potrebama“ Zeničko-dobojskog kantona, 160 paketa za korisnike smještene u Ustanovi
- p) JU „Dom porodica“ Zenica, 160 paketa za korisnike smještene u Ustanovi.

(2) Zadužuju se centri za socijalni rad, nadležne općinske službe i Javne ustanove da organizuju preuzimanje i distribuciju paketa prehrambenih proizvoda i proizvoda za higijenu do krajnjih korisnika.

Član 3. (Realizacija Odluke)

Za realizaciju ove odluke zadužuju se Ministarstvo za rad, socijalnu politiku i izbjeglice, Kantonalna direkcija robnih rezervi, centri za socijalni rad na području Zeničko-dobojskog kantona i općinske službe za socijalnu zaštitu Doboju Jug i Usora, JU „Penzionerski dom sa stacionarom“ Zeničko-dobojskog kantona, JU „Dom za stara lica“, JU „Centar za djecu i odrasle osobe s posebnim potrebama“ Zeničko-dobojskog kantona i JU „Dom porodica“ Zenica, svako u okviru svojih nadležnosti.

Član 4. (Izvještavanje)

Obavezuje se Kantonalna direkcija robnih rezervi da nakon izvršene raspodjele paketa prema korisnicima iz člana 2. Odluke, Ministarstvu za rad, socijalnu politiku i izbjeglice dostavi izvještaj o realizaciji donacije.

Član 5. (Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

PREMIJER

Mirnes Bašić

Broj: 02-31-14264/22

Datum, 22.09.2022. godine

Z e n i c a

DOSTAVLJENO:

- 1x Ministarstvo za rad, socijalnu politiku i izbjeglice,
- 1x Kantonalna direkcija robnih rezervi,
- 1x 12 centara za socijalni rad / općinske službe socijalne zaštite,
putem Ministarstva,
- 1x JU „Penzionerski dom sa stacionarom“ Zeničko-dobojskog kantona,
putem Ministarstva,
- 1x JU „Dom za stara lica, putem Ministarstva,
- 1x JU „Centar za djecu i odrasle osobe s posebnim potrebama“
Zeničko-dobojskog kantona, putem Ministarstva,
- 1x JU „Dom porodica“ Zenica, putem Ministarstva,
- 1x „Službene novine Zeničko-dobojskog kantona“
- 1x a/a.